

御纂醫宗金鑑續編卷十三

編輯正骨心法要旨目錄

胸背部

胸骨圖

髑子骨

胸骨 脇肋附

岐骨

蔽心骨

鳧骨

陰囊

背骨圖

背骨

腰骨

尾骶骨

四肢部

四肢圖

髀骨

髀骨

肘骨

臂骨

腕骨

五指骨

竹節骨

四肢圖

髀骨

環跳

大捷骨

膝蓋骨

胫骨

踝骨

跗骨

足五趾骨

跟骨

御纂醫宗金鑑續編卷十三

編輯正骨心法要旨

胸 骨 圖



胸背部

髓子骨

髓子骨經名柱骨橫臥於兩肩前缺盆之外其兩端外接肩解
擊打損傷或騎馬乘車因取物偏墜於地斷傷此骨用手法先
按胸骨再將肩端向內合之揉摩斷骨令其復位然後用帶掛
臂於項勿令搖動內服人參紫金丹外熨定痛散再敷萬靈膏
其證可愈

人參紫金丹

定痛散

俱見山
角骨傷

萬靈膏

見顛
頂傷

胸骨

胸骨卽髑髏骨乃胸脇衆骨之統名也一名膺骨一名臆骨俗名胸膛其兩側自腋而下至肋骨之盡處統名曰脇脇下小肋骨名曰季脇俗名軟肋肋者單條骨之謂也統脇肋之總又名曰胛凡胸骨被物從前面撞打跌朴者重從後面撞朴者輕輕者先按證用手法治之再內服正骨紫金丹外用麤麤和定痛散炙熨之或以海桐皮湯洗之貼萬靈膏卽能獲效若內血瘀聚腫痛偃僂難仰者早辰以清上瘀血湯消下破血湯分上膈下膈以治之晚服疎血丸有受傷日久胸骨高起肌肉削瘦內有邪熱瘀血痞氣膨悶睛藍體倦痰喘咳嗽者宜加減紫金丹

以消熱化痰理氣健脾潤肌定喘若傷重者內干胸中必通心
肺兩藏其人氣亂昏迷閉目嘔吐血水呃逆戰慄者則危在旦
夕不可醫治矣若兩側腋肋諸骨被傷者則相其輕重以分別
治之凡胸脇諸傷輕者如黎洞丸三黃寶蠟丸等藥皆所必需
宜酌用之

清上瘀血湯

治上膈被傷者

羌活

濁活

連翹

桔梗

枳殼

赤芍

當歸

酒洗

山梔子

黃芩

甘草

川芎

桃仁

紅花

蘇木

川大黃

生地黃

水煎加老酒童便和服

消下破血湯

治下膈被傷者

柴胡

川芎

川大黃

赤芍藥

當歸

梔子

五靈脂

木通

枳實

炒

紅花

赤牛膝

澤蘭葉

蘇木

生地黃

黃芩

桃仁

水煎加老酒童便和服

加減紫金丹

白茯苓

蒼朮

各二兩 米泔浸炒

當歸

熟地黃

白芍藥

炒

陳皮

各四兩

丁香

一錢

肉蓯蓉

一兩酒洗 鱗甲

紅花

五錢

瓜兒血竭

三錢

乳香

三錢 去油

沒藥

三錢 去油

共為細末煉蜜為九彈子大用黃酒送下

黎洞丸

治跌打損傷瘀血奔心昏暈不省及一切無名腫毒昏困欲

死等證

京牛黃

冰片

麝香

各二錢 五分

阿魏

雄黃

各一兩

川大黃

兒茶

天竺黃

三七

瓜兒血竭

乳香

去油

沒藥

各二兩 去油

籐黃

二兩 隔湯煮十數次去浮沫用山羊血五錢拌晒如無山羊血以子羊血代之

已上十三味共爲細末將籐黃化開爲丸如芡實大若乾稍加白蜜外用蠟皮封固內服用無灰酒送下外敷用茶鹵磨塗忌一切生冷發物

三黃寶蠟丸

治一切跌打損傷及破傷風並傷力成癆女人產後惡露不盡致生怪證瘀血奔心痰迷心竅危在旦夕重者一錢輕者三分用無灰酒送下立刻全生如被鳥鎗打傷鉛子在內危在頃刻服一錢吃酒數杯睡一時汗出卽愈如外敷將香油熱化少許雞翎掃患處服藥後忌涼水生冷燒酒三日如

不思此酒則藥無功

天竺黃

三兩

雄黃

二兩

劉寄奴

紅芽大戟

去骨

麒麟竭

各三兩

歸尾

一兩五錢

硃砂

兒茶

各一兩

淨乳香

三錢去油

琥珀

輕粉

水銀

同輕粉研不見星

麝香

各三錢

已上各稱足分兩各研為細末如無真天竺黃以真膽星

三兩代之再用好黃蠟二十四兩煉淨滾湯坐定將藥投

入不住手攪勻取出裝磁罐內備用

正骨紫金丹

萬靈膏

俱見類項骨傷

定痛散

見山角骨傷

疎血丸

見綾雲骨傷

岐骨

岐骨者卽兩髑骨端相接之處其下卽鳩尾骨也內近心君最忌觸犯或打撲或馬撞則血必壅瘀而多疼痛輕者只在於膈上重者必入心藏致神昏目閉不省人事牙關緊閉痰喘鼻塌久而不醒醒而神亂此血瘀而堅凝不行者也難以回生如神不昏亂僅脛痛不止胸滿氣促默默不語醒時猶能稍進飲食者宜早晨服加減蘇子桃仁湯加枳殼晚服疎血丸外貼萬靈膏再以炒熱定痛散熨之庶可愈也又凡周身骨之兩叉者皆名岐骨學者宜知之

加減蘇子桃仁湯

見顛頂骨傷

疎血丸

見凌雲骨傷

萬靈膏

見顛頂骨傷

定痛散

見山角骨傷

蔽心骨

蔽心骨即鳩尾骨也其質係脆骨在胸下岐骨之間跌打撞振傷損疼痛不止兩脇氣串滿腹疼痛腰偃不起兩手按胸者宜內服八釐散外用艾醋湯洗之敷萬靈膏渴飲淡黃酒忌茶水生冷杭米粥

八釐散

萬靈膏

俱見顛頂骨傷

鳧骨

鳧骨者卽胸下之邊肋也上下二條易被損傷左右皆然自此
以上有肘臂護之難以著傷在下近腹者用手提之易治蓋其
肋近邊可以著手則斷肋能復其位也其人心低頭偃腰痛苦
呻吟惟側臥不能仰臥若立起五內皆痛或頭迷神昏飲食少
進宜內服正骨紫金丹洗以八仙逍遙湯貼萬靈膏及散瘀等
藥可愈若在上之第二肋或有斷裂墊傷場陷不起因位居隔
上難以入手雖強爲之亦難完好其所傷之血留於膈上若不
隨藥性開行必結成包囊其包輕者係黃水硬者係血塊則成
痼疾矣

正骨紫金丹 見顛頂骨傷

八仙逍遙湯 見玉梁骨傷

萬靈膏 見顛頂骨傷

陰囊

凡陰囊被人扯破者用雞子黃油并金毛狗脊毛薄攤塗油於上次傳封口藥又用截血膏敷貼或烏龍骨敷貼亦可內服加減紫金丹洗用紫蘇葉煎水洗之

凡陰囊有青黑紫色腫者用定痛膏加赤芍草烏良薑肉桂各少許打和用韭葉搗爛同貼如無韭葉用葱葉亦可仍服利小

水之藥

定痛膏

治打撲傷損動筋折骨跌磕木石壓傷腫痛

芙蓉葉 二兩

紫荊皮

獨活

南星 生

白芷 各五錢

右爲細末加馬齒莧一兩搗極爛和末一處用生葱汁老

酒和炒煖敷

封口藥 見鼻柱骨傷

截血膏 見唇骨傷

烏龍膏 見凌雲骨傷

加減紫金丹 見胸骨傷

背

骨

圖

